

題辭
滇行草



子厚書

977135

題辭


西風萬里客歸遲添得星星兩鬢絲却愛滇
南山色好一齊收入紀行詩
滇行草勝西江草應為征途少簿書我自解
官將一載緣何詩思只如初

約堂歐陽博

平生浪跡苦奔波留箇莫南我未過聞說摩
高鴻雁少大都村占白雲多雕鞍月影人行
岫驛路雞聲客渡河喜遇風騷是康樂籃輿
古硯不停磨

直從南浦向昆明 王事勤勞萬里程驅得
楚雲歸墨海捲將江雨入詩城古墻野店留
題咏鳥語花裙識使旌一卷琳琅堪愛處讀
來我亦似滇行

竹軒李 孚



六詔關河仰使星觀風問俗軌難停蠻詞繪
出蠻情性可補山經并海經
滿貯奚囊夏及秋煙雲盡向卷中收閱來展
向牕前讀萬里山川好卧遊

北垞汪宗仁

王事馳驅不憚勞途長餉重氣雄豪星河華
岫經行徧萬里來歸益二毛

自春徂夏及秋來一路風光入雅裁百工十

真行草

章詩句好令人心眼頓然開

息軒高 冊

瘴雲開處亂山橫六詔歸來序幾更却愛紀
行新句好百蠻爭識謝宣城
滇南萬里一征人範水模山獨繫神今日琴
堂重聚首間將風土座中陳

曠真宓永琪

椽筆淋漓紀載存滇南往事更誰論夜深莫

漫吹蘆管萬里秋風繞客魂
雙鬟齊唱竹枝詞大令風流金齒知從此藝
林添故事弓衣織就幾新詩

兩山宓桐谷

驅馬昆明問碧鷄西風愁聽棧猿啼羨君蠟
屐經行處多少名山入品題

蠻烟瘴雨逐征驂殊俗風光仔細譜萬里郵
程一斑管譜將新句徧滇南

法行

布帆無恙掛秋風

用李白句

兩岸楓林照眼紅到

日龍江迎竹馬相看猶是舊兒童

滇行草

南昌早發

萬里乘槎六詔通
洪都早發趁春融
江干問渡先沙井
南浦輕帆細雨中

宿樂化

長路終朝踏淖行
孤燈晚坐驛亭清
蕭蕭夜雨難成夢
萬里雲南第一程

滇行草

遊東林寺

蓮社曾聞一笑禪
東林寺畔虎溪前
芙蓉刻漏成灰劫
依舊青山不記年
古刹名山秘餉遺
先賢逸跡重尋披
堂開三笑摩碑碣
祇有陽明七字詩
簇簇塵凋驛路顏
何曾真面見廬山
東林法旨憑誰問
嘯倚丹崖夕照間

琵琶亭

筠巖謝家



紅粉青衫盡化塵
琵琶亭子尚江濱
歌兒莫唱當年曲
我亦天涯淪落人

宿孔龍驛

朝發潯陽浦
言指黃梅縣
山水涵清輝
林木鬱葱蒨
遙峰看難真
宿烟積未散
曙色開扶桑
明霞飛片片
朝暎林梢紅
宵露花間泫
披拂靡微風
景物畧可玩
侵假日轉午
羲輪赤焰煽
漸覺炎光烈
頓使淑景變
籃輿可炙手

漢行草

軟紅頻撲面
自苦胸膈煩
反憐役夫汗
手足兩無閒
難揮摺疊扇
况復天雨愜
農夫正苦暎
腴壤半龜拆
蔽薄空鳩喚
鄙屋錢鏹懸
婦子何由飯
覩此切民瘼
不暇行役憚
十萬賫滇餉
六詔去不宴
昆池路數千
月餘未涉半
沿途多戒心
兼程恐站遠
夕陽古驛閒
鳴鴉樹顛亂
杆圍資胥役
擊柝倚村館
慮煩枕頻移
獨坐已達旦
北望新蔡城
前途更流眄
安

得叩蒼穹傾盃洒芳甸驅龍鼓雲雷沛霖除
魃患九土歌有年含鼓安壘畔一洗炎熱途
行者亦云便

黃州赤壁

赤壁鏖兵地誌殊黃州作賦古今無江流如
昨人千載不弔周郎弔大蘇

武昌書感

燕乳麥田花繞林鄂王渚畔青春深車馬喧

漢行查

闐大都會紅亭翠館江之陰江陰城高映江
碧人事變遷江不易明月空照庾亮樓東風
尚吹周郎壁江帆遙接楚天雲江上行人過
江濱八分山頭草沾屐九曲亭畔花迎樽看
山偷閒片刻事回頭塵鞅苦自繫安得從爾
跨鶴人坐視江流日去

黃鶴樓拜呂祖像偶題

江上未逢乘鶴客樓頭極目漢陽春題詩不

必衡高下同是黃梁夢裡人

仙棗亭

石髓分甘空入手仙棗如瓜不到口
叔夜才高尚少緣何況曲曲武昌守
東樹不存今有亭黃鶴磯上清風生
仙人福地時來往江上空耳鈇笛聲

快哉亭

此日登臨亦快哉古亭遺址尚崔嵬
江山勝

滇行草之

四

景年年在何似髯翁躡履來

木蘭將軍墓

遺編愛讀木蘭詩裹甲從戎人不知
塚號將軍更千古兔兒誰辨是雄雌

石榴花碑

婦姑冤慟事堪嗟草木通靈為着葩
一片夕陽江縣路殘碑尚記石榴花

江夏弔欄正平

崢嶸豪氣冠雲霞底事飄零成怨嗟作賦寧
殊才八斗罵曹須藉鼓三槓風吹碧血翻青
草水護孤墳擁白沙鸚鵡洲邊雲黯淡招魂
空對楚江涯

過漢川

漢川流水去潺湲擊棹行人鬢欲斑長路誰
遺交甫珮春雲自度女郎山風林小市村酤
澹雨夜青燈古驛閒未敢懷安 王事亟披

滇行直

五

星又復指前關

鄞水試茶偶成

不徒竹簟御炎天鄞水松花自昔傳棲鳳山
高猶在眼何人為煮第三泉

過鄞水綠楊橋

旗亭沽酒難成醉路指蘭溪興寂寥歌枕解
鞍無處所春風吹過綠楊橋

天門

天門山下暫停車異品由來誌此渠暫向東
陽核石鯽非關彈缺食無魚

潛江女

潛江女兒赤白足三三兩兩江田曲唱歌躡
水如履地鳴鑼伐鼓插嫩綠今朝栽秧針插
田明日無雨田苦乾車水無輪江岸遠咨嗟
共怨龍女懶

水車行

滇行草

君不見水車取水灌秧田木箱貯板板逼泉
男婦四五坐聯肩脚踏桔槔循環牽又不見
江岸十丈竹輪圓水激輪旋如風翻倒捲洪
流飛波濺竹龍曲導通隰原壟畔坐看來潺
湲如此巧思誰始傳經營疑是公輸般九州
土壤億萬佃一勺何能普大千吾聞循良之
吏誠通天官無裨政民有年 盛世十日雨
不憇何勞監河祈滴涓

庾樓懷古

東晉名流鎮江漢一時參佐極時選江樓玩
月無避迴老子於此興不淺一聲長嘯據胡
床觴詠徹夜明月光襟懷磊落成千古清風
尚與江流長

荊州

江陵城頭坎擊鼓旱魃為虐祈霖雨花旛掛
戶香繞衢小巫奔走大巫舞齋沐叩神神不

滇行直

語五日不雨農堪憂十日不雨官更愁南門
息壤今應在掘石何效裴荊州

虎渡口

虎渡揚舲客興孤江陵形勢望中殊洪濤真
可吞湘漢往事何堪憶蜀吳高岸斜風拂楊
柳晴沙暖日浴鴛鳧昇平愛玩風光好帘下
平頭酒漫呼

過湘江

曾憑舊史弔英娥不道湘江此日過古驛遙
連青草路輕帆遠接洞庭波山光拂岸留雲
髻草色縈堤寫翠蛾幽恨未消斑竹淚那堪
重聽楚纍詞

崔婆泉

當壚紅粉五湖多難得仙人曳杖過漫把清
泉傳姓字人間未是少崔婆

陸鴻漸故里

真行草

驛路風光近沅澧雲山深護沔州里病渴遠
客苦行役泉下欲呼桑苧起先生品盡天下
泉清標舊識茶經傳願煮名泉試蠓眼巖程
限迫空流涎

沅州道中

萬里乘槎問碧雞澧沅波映楚天低江干梅
雨霑三戶雲外蒲帆渡五溪山色似投青玉
桉水聲疑唱白銅鞮南徐往事憑誰訊落日

行旌更向西

獅子塘小憇

馬鞍波下曙光清
獅子塘邊破曉行
暫憇郵亭新雨後
萬山深處水田聲

途中春暮

客興蕭然夕照中
揚舲激汰趁微風
桃花浪擁鴛鴦浦
滿眼春光在落紅

荆湘道中

滇行草

九

帝子無家泣遠遊
靈均孤憤寓離憂
荆湘半是傷心水
漫向征人眼底流

陳友亮臙脂湖

桃紅粧就賦荷菱
割據無才慚負乘
湖是臙脂名自好
爭如粉水出房陵

常德望月

六詔征人楚郡旁
青燈孤館易情傷
木瓜山上今宵月
曾送謫仙流夜郎

桃源路上偶題

旗亭花放酒盈樽
雲樹遠籠溪外村
水色山光行處好
前途知是武陵源
淵明思治賦詩篇
遂使桃源萬古傳
靈境要知非世外
太平雞犬盡神仙
重來既已失前灣
安得人間玉洞閒
編賦九州無剩土
更從何處著田山

過公安

滇行草

信口占來率易多
公安詩派近如何
獨抒情性詭謠好
底事經心費揣摩

鞞夫行

蛇年月在辰
我行指六詔
庫帑十萬貲
昆明計遠到百千
各為函鏐革
錮木鞞沿途給
夫役驛遞赴邊徼
义路愁散遺迴峰
苦瞻眺後先相顧
難賢愚那能料
棕索十為聯
魚貫提其要無為惰者
遲無為迅者
僇一夫前陟岡

九人齊登嶠絡繹牽駝行獬豸鞭猿踔好為
蛩驅負難作狼狽靠踵接肩或摩肘掣臂難
掉歷歷清亂靡循循消鴛鴦鎖鼻閑牛逸銜
口治馬暴古人畫物情此制亦云妙楚江費
彎環黔嶺禁趨趨但恐蹶於石而或陷於淖
共擊力未齊一跌衆忽譟揮汗奔林麓走雨
陟峭峭努力尻忽高疾趨足或炮覩此行役
難反覺中心悼小人慣驅馳官錢利分俵健

滇行草

十一

者反調譁弱旅亦無懊中途逢知交方言互
慰勞迨迨驛程催漸漸旅館造拭面拂路氛
振衣曝夕曜共息長途肩更索長官犒豈直
室家艱慣習錙銖較聊聊杯酒資薄酬亦不
誚得意各言歸不覺風落帽雲州到有時我
亦安毋懔

新店驛謁伏波祠

鞭箠橫拂五溪烟壯志無難裹革還回首偏

教思款段炎蒸站站落飛鳶

玉屏懷石阡董太守

燕臺分袂五年期驛路平溪咫尺遠遙指琵琶西嶺樹題詩誰報故人知

玉屏端陽有懷

樹繞平溪雨後青征帆五日寄山亭安榴花放龍江遠應計行人到玉屏

飛雲洞

滇行草

山路停輿日卓午趨尋巖壑避海暑乍看天際訝雲飛誰識竒石結洞府糾縵上轟纓下絃縹渺華蓋覆崔嵬渾疑崖竇互吞吐却恐山風吹去來山亭跣坐樂踈曠峯巒不教林麓障大千靈境神為爽萬里塵眯眼忽放靡微清涼四面風卧看飛雲疑駕空流泉靜聽鳴玉珮巖樹不驚吼蒼龍山僧煮泉話林藪人間世事懶回首由來福地住神仙無事慶

雲表太守

黃平見月

康城薄宦一枝棲
驚見黃平月照溪
夢裡鄉關無處覓
祇隨清影到江西

山中花樹

芳樹花開浥露多
春光寂寞碧山阿
夷光不獲逢吳越
玉質銷沉老苧蘿

聽鷓鴣

滇行草

十三

暮從打鐵關頭宿
朝向黃茅瘴裡行
鎮日征人愁履險
不堪重聽鷓鴣聲

牟尼洞

牟尼珠子鎮西禪
誰使人間玉洞傳
彌勒法源燈自照
招提勝蹟石空懸
千重寶絡雲中座
一杓靈漿壁下泉
試扣鐘魚叅異響
幾聲衝破薜蘿烟

望水亭觀瀑

天邊滾滾失來源珠沫銀濤萬斛奔滉漾懸
崖噴雪浪砰轟晴日吼雷門深山古道盤江
路返照孤亭白水村應是晶虬翻玉海飛流
倒捲瀉雲根

相見坡

曲折已十里登高尚覲面一般行路難前途
須回看

前者已逾險後者方踣步相見應相憐君方

真行草

一四

自此去

雞鳴關

七里平溪路鷄鳴曉渡關烟村青嶂裡石卡
碧雲間宿霧籠深澗朝曦下遠山行人忘履
險 盛世靖苗蠻

關嶺謁忠順侯祠

關索不見於史或曰本無其人即關門鎖

鑰之義或曰關聖少子諸葛南征前鋒有功史逸之也其廟前殿塑像廟祝稱曰少爺忠順封號亦不知始於何時也

將軍偉烈著蠻郊愛戴英名誌嶺坳業佐三分肩世德功成七縱列前茅明禋自與山靈久汗簡寧愁柱史消翠竹青松環祀廟渾疑鉄馬駐雲旂

諸葛會盟處

峰巒疊翠萬山橫丞相當年此會盟六出精誠遲北伐三分籌畫首南征懸崖護壘風雲壯荒徼歸心虎豹平遺像千秋祀關嶺蠻鄉

滇行草

一五

不異錦官城

李厚岡明府招飲寺寓

我作康樂宰君筮伽宗吏山川數千里一見似夙契簪紱十年餘儒冠心不異磊砢蹶霜蹠不困躡景驥世俗爭奔趨人事履險易大力者主之誰能操鈍利杯酒快相招古剎眺幽邃坐雨聽松濤颯颯鳴天際看劍燒紅燭干霄鬱紫氣五斗且解醒莫漫嘆伏櫪

李厚岡訂遊近華浦

華浦新晴泛鴨頭招呼快買木蘭舟定當來
日鳴隻楫已擬今宵夢十洲杯酒難逢仙侶
伴湖山况是客中酬長鬚莫事頻訂囑到處
烟波汗漫遊

近華浦長句酌李厚岡及同遊諸君子
江滇相去數千里奉檄忽作乘槎使蒙段爨
爨何足云且向南中看山水昆明池畔名山

滇行草

二

多碧鷄金馬盤青螺就中大華更奇崛峰巒
倒影蘸綠波李侯意氣高百尺典裘貫酒快
浮拍不從東海釣鰲魚偏向南滇振鵬翮近
華浦水清淪漣波涵太虛碧侵山觴飛渚曲
落空翠棹擊鏡裏飛蒼烟一時賓客皆豪縱
北海樊川莫與共劉令夙望傳負虎蕭牧有
道著金鳳我亦開襟興不羣頓忘萍梗天外
身眸刮金篋觀滄海談揮玉塵干青雲返照

穿林催權去，翻歎離多少。快聚長歌一曲過，
前村記取天涯此日遇。

五華山

五華山頭地，傳聞老滷宮。

謂吳逆

終銷藏兔窟。

枉費鑄山銅。

吳逆宮殿俱銅鋪

盛世逾唐宋，根基豈段蒙。鯨鯢無恃遠，化日萬方同。

圓通寺登螺峰山用貴溪韻

滇行草

十七

危巒萬木陰，高閣快憑臨。苔徑盤螺髻，松巖靜鶴心。披蘿幽洞暗，漱石亂泉吟。歸去斜陽晚，雲端落磬音。

楊升菴太史祠

生前不見玉門還，議禮何須哭撼關。蒙段憑君存紀載，祠堂留對碧雞山。

海棠子

生山中，儼儼名海棠子。

城隅吹角曙闌啟，溪茅巖秀聚城裏。筠籃碧

襯珊瑚紅獬獬唱賣海棠子丹粒簇簇如算
珠朱櫻赤檀看去殊錄名恨遺羣芳譜辨性
欲補神農書雲南倦客眼初覲小紅風姿愛
韶秀吳壤一見應開顏調鸚不須相思豆

曉發雲南寄城中諸君子

昆明城外曉風吹古道環山策騎遲回首螺

峰看不見幾番潛詠貴溪詩

螺峰山有鐫夏貴溪五律

翠蓋凌波碧玉姿紅蓮花放九龍池

俗名菜海子

滇行草

六

清香荏苒斜風裏忍向天涯憶別離

聞道唐梅大十圍黑龍潭畔老踈枝無緣蠟

屐成長憶底是羅浮夢裡時

華浦雲嵐入望奇綠楊深處畫船移風流却

愛湖山主

謂厚岡

看我情酣筆落時

燕子飛來小杜詩

謂景宋

名山古洞著清奇百

朋貺我還相巧莫使雷燒薦福碑

杜公贈石榻燕子洞

詩一章復約後惠

傾蓋天涯廿日期無關舊雨快新知板橋茅
店今宵住憶我青燈獨坐時

板橋驛

朝發昆明路未遥歸途客興逐涼颿旗亭花
好還如昨不覺秋光到板橋

楊林夜雨

莫怪羊裘六月披南中涼燠總無時楊林一
夜傾盆雨中伏寒威到被池

滇行草

十九

大鼎山潮音寺

寺聽潮音嶺作屏海天縹緲壁竦嶢風迴巖
樹波光冷雨過泉林石氣青古刹偏宜馴鶴
性征帆暫與片雲停山名大鼎還丹易悔絆
塵鞅負地靈

山行

山行夢遊仙不覺籃輿窄夢回山氣涼萬嶺
飛雲白

重經河口

河口停驂半月回竹樓依舊對山開
館童相見偏相識前次客官今又来

亂石謠

昆明城北四五里亂石散布如羣羊
仙人鞭驅不入海卧坡抵路競昂昂
與雲雨國愧華嶺疊嶂環郭輸螺岡
縱橫不容方軌跡舐觸似勸行人忙
我問碧雞此来去役夫蹶跌籃

滇行草

二

輿傷安得風運卸人斤盡削犖确歸
平康不然更舒巨靈掌一抹礪砢如
滌場憶昨黔山度岷嶠竒峰插漢連
穹蒼捫苔牽蘿不失足猿攀猿度如
尋常巉巖頗躅亦見慣芒鞋踏破渾
相忘天地生物本如此人生與石何爭
强疾趨坦途或躓絆緩步險巖成康莊
輿內刮膜却塵障石隙盤旋細可行
鷓鴣漫叫行不得字中何處無羊腸

清溪洞

野水穿山鳴石隙幽巖如厦罨清泉燃燈漫
向深潭照恐有蛟龍澗底眠

涼漿舖

本非賣漿者何標涼漿舖紅塵馳熱客指點
一回顧

鎮寧七夕

乘槎萬里欲旋歸七夕山城雨打扉莫怪黃

滇行草

三

姑深避匿前番客去失支機

拉柳坡觀雲

拉柳坡高白雲多濛濛漠漠迷青螺石磴一
線看不見披尋恐入蒼龍窩朝霞橫嶺雲漸
滅曠曠輝映色更潔飛飛疑彈碣女棉片片
尚積陰崖雪依巖拂壁黏山腰山風一掃同
歸坳萬壑瀾漫影的礫一氣蟬聯光動搖白
馬無聲來潮汐銀漢下眎翻波濤化工俄頃

幻異相驚心炫目不一狀天際奇峰共眺瞻
洞底迴瀾更奇翔黔中此山最嵯峨雲物吐
納應別樣遠客攀躋不勝愁覩此偏恰襟懷
幽安得誅茅住山岳日窮變態開隻眸

巒訶四首

赳墟相伴語從容裙布凌風百摺縫

赤足不
裨裙多

摺簪髻不須長十八銀釵半尺鬢鬢鬆

富者
以銀

作飾其釵環大
於漢人數倍

滇行草

五

青山碧水躡訶行一任雛兒先道情

男女以
譎自擇

後通也自風流競換帶

合為換帶
或相競誇

蘆笙吹作

鳳凰聲

蘆管長數尺
吹以和訶

八洞風烟老歲華就中堪笑亦堪嗟當塗霸

氣今蕭索剩有黔苗號仲家

袁公路僭號不
成自名仲家今

貴州苗有仲
家回憶粲然

健羨耕田不納糧

花苗佃巨室田較諸苗頗
富見者謂其耕田不納糧

噴噴

稱羨花苗特地五紋妝

綵短衣下接花裙五
紋

途僕僕無儀從莫漫相呼覲漢郎

每見漢人頂戴威儀

則相招呼曰覲漢郎

石板房

石板遙看雪色同千間老屋白雲封青山碧
樹相輝映點綴天然憶化工

山亭

萬峰攢簇處空際一亭宜竹密雨來緩溪平
花渡遲市帘偏向客倦鳥欲棲枝片刻成淹

滇行草

三

滯無妨倒接離

響琴峽

雙峽連雲萬丈幽飛湍穿峽向西流山溟波
洞琴中趣疑泛成連海上舟

重經飛雲巖

繡嶺仍攢五綵紋更凌天際步飛雲路當歸
去情偏暇山到秋來碧幾分詩壁苔痕侵宿
墨僧寮茶話証前聞兩開初地天花蕊香妙

迎風散夕曛

黃平

滇嶺黔山霧雨催行人
衣袖半生霉多情惟有黃平月
兩度清光送去來

諸葛洞

諸葛洞勢如長蛇怪石峻
嶒為齒牙行人畏懼不敢過
虛舟牽挽磨哈呀過巖穿吭
泛舟入奔濤瀉峽束更急撞
波亂石瞥眼過插漢

滇行草

三

奇峰對面立幽崖處處飛
清泉石巷曲赴循灣環澗底
千堆激雪浪雲端一線留青
天倏忽龍潭催棹去惡風迴
濤捲烟霧花灘冷灘勢更雄
羽馳騎駛留不住四十里外
波漸平山光水色涵空青一
帶滌洄連邛水兩崖壁立皆
玲孌宇宙奇窳快一得不覺
尋幽犯不測迴憶中洪飛擢
時四顧童僕寡顏色

鎮遠客窓晚眺

激灑澄波一棹通危巒四繞碧玲瓏人家水
色山光裡畫景濃皺澹抹中遠樹留雲塘過
雨高樓近渚笛臨風未歸萬里新秋客尚欲
浮槎問碧空

泊沅州

流水潺湲激石聲烟光漠漠鎖山城停橈不
見龍標尉江上峰青夜月明

舟行

滇行草

三五

黔中買舟及三伏南風送歸似箭速終朝棹
水食無魚噉吻空羨楚江曲山塘市小沽離
初盤餐兼味益饔藪信天候魚終難飽鼯鼠
飲河且滿腹村醪渾濁浮瓶罌味兼辛酸殊
麥麩朝來一飲傾百壺聊助豪情湧萬斛胸
柱竒峰千个青呷吸長江一掬淥長嘯身同
鷁共浮醉倒夢與蝶相逐人生簞食並鼎烹
非關陸笑與唐哭長繩難使雙丸留愁鎖莫

教兩峯感絨口何勞問穀布由來癯相非食
肉

沅辰舟中

六詔歸來興未闌秋風吹棹逐江湍江山到
處堪留戀祇許征人瞥眼看
沅州飛渡又辰州頗有秋山慰客愁霧髻烟
鬟看不盡無人為索錦纏頭

過黔陽縣

滇行草

三

山光四繞碧嶙峋綠樹紅樓楚水濱一葉輕
舟如畫裡秋風萬里未歸人

黔陽晚泊

秋江兩岸山千疊舟裡看山目不給籠烟滴
翠歛歛過回頭得一已失十不覺急溜飛帆
檣祇疑江風掃唳喋揚舫初過龍標城黔波
連天浮一葉山城返照光動搖江樓晚嵐正
合沓維纜城陰鎖舟穩始見窈窕向人立玉

質娉婷骨玲瓏雲髻頽墮霧鬢濕婉似麗人
靚晚粧婉孌臨鏡翠翹插畫樓綺閣燈火明
絃管迭奏聲拉雜共贈纏錦邀飛鸞更擲金
錢覓睡鴨何如對此凌波仙綠蟻百壺供一
呷沙月映水雙明璫微風吹浪裙百摺披襟
長嘯江天濶鉄笛一聲風颯颯更趁明月釣
江魚不學馮驩鼓長鈇

過辰州

滇行草

三

買棹黔中郡蘭槳蕩楚州崖飛八洞雨烟澹
五溪秋多病蔓苓闕長征歲月道江湖看滿
地身世愧輕鷗

清浪灘

清浪灘頭石如沐龍吟虎嘯波爭強白浪翻
空數千尺一葉掀騰如簸揚驚濤奔瀉互激
盪輕橈急溯相低昂珠跳雪飛衣袖濕童僕
色變長年忙人世相遭異險易所履安得皆

康莊子羽涉波以忠信琴高騎鯉原相羊好
收溪山入古錦但恨才愧長瓜郎

夜泊龍陽縣

七澤澄波客夢浮江天入夜暫維舟龍陽洲
上牛毛雨滴滴篷窗枕畔秋

歸舟過桃源

桃源流水送歸人落盡桃花不問津獨有奚
囊未蕭索秋來尚貯武陵春

滇衍草

三

澄江波映萬山清嫋嫋秋風動客情巷裡蟠
桃本無種輕橈蕩入采菱城

麻衣泐泊舟

夜泊麻衣泐停橈俯碧流篷窗千里月客夢
一江秋鳧鷺烟中宿星河水面浮乘槎非博
望何處覓仙洲

秋山

江上山原好秋帆望處停晴嵐浮水淨瘦骨

插天青遠岸雲中瀑孤村雨後屏烟光縹緲
處欲扣玉真扁

武陵偶感

巾幗賢豪勝丈夫貽謀底事富金珠辛勤堪
笑丹陽守暗自龍洲植木奴

昭君村

毳帳銷殘塞外春楚江村落更誰詢杜陵千
載傳餘韻也自相憐薄命人

滇行草

夜泊聞笛

江山風冷入江秋何處笛聲江上樓月照江
天波浩淼懸崖千仞一孤舟

長沙偶題

不弔二喬山頭墓不奠英皇江上祠最是青
樓魂斷處牕前一卷少游詞

夫人城畔鼓催師娘子軍中監將旗誰似守
陴竒女子揮戈特為愧男兒

女子失姓氏年
約二十獻賊攻

城軍民逃避女子獨登城拒守城破揮刃向
賊賊謂汝一女子何能為曰吾以愧天下之
子為男者

賈誼宅

才堪王佐遇偏踈萬里長沙剩一廬誰使飛
來聞鵬鳥天教到此伴三閭漢庭楚郡鴻文
在湘浦洋峰蝶夢蘧好自逍遙無憤懣清江
皓月護遺居

馬殷墓

滇衝篋
紛紛竊據趁時非馬鬣遺封傍翠微事業不
過高佛子擬同曹檜已無譏

道鄉臺

星沙五馬骨成灰逐客當年事可哀嶽麓清
風千古在何人移去道鄉臺

泊嶽麓

露下銅官渚江天入夜涼孤舟泊嶽麓客夢
憶衡陽釣叟空吟月山翁或賣薑斯人吾不

遇長嘯渡清湘

蒼筤谷

不見仙巢此枕流
吹香亭畔水悠悠
琅玕萬箇蒼筤谷
下映清湘碧滿洲

晚泊長沙夢中得夕陽山下亂流明之句因足成之

洞庭波靜接湘清
嫋嫋秋風入棹輕
暮雨江邊層嶂黯
夕陽山下亂流明
地多靈境宜仙

溟行立

三

夢行近鄉關
減客情漫憶星沙煉
雲母衰顏無事問長生

行近瀏陽

星沙古郡近袁關
萬里征人飛棹還
今夕妙高峰上月來宵
又照大湖山

瀏山名

迴峰拗折亂流明
行近瀏陽動客情
目送首禪山上水飛湍
一道入康城

渠城界僧舍

山頂幾間茅屋欄邊一掬清泉到此誰人歌
擔山僧床上酣眠

山僧問我何來萬里滇遊返此千條碧水眼
中萬个青山鞋底

我問山僧何事僧言斲石山中不識點頭何
日撩他雨雨風風

宿小坡嶺

細雨催天晚輕烟羃水濱溪山深處店燈火

滇行直

三

幾家人鄉近翻無夢雲浮暫寄身夜涼風料
峭隔幕入秋裊

歸來

歸來稚子笑顏紅燈下牽衣向老翁莫謂橐
囊無長物黔山楚水滿詩筒

歸抵沙井

沙井南征正惜春歸來秋雨黯江津嗟峨天
半滕王閣隔岸遙看似故人

省垣回萬載

章門返騎快凝眸到處循阡向綠疇十里西
風豆花雨一灘流水稻畦秋重臨故土偏關
臆不畏長征豈倦遊暗自占年詢父老袁州
道是勝筠州

和胥燕亭題滇行草原韻

萬里南雲送客遲秋風蓬鬢換青絲招魂剪
紙欣無恙南浦西山更唱詩

消遣豫章樓外雨縱觀遊蕘篋中書滇黔也
徧勞人句何似從容賦遂初

時燕亭退
閒在省

土關

十里西

#4150

